

柳州府志卷之一十七

節烈

易曰恒其德貞婦人吉蓋婦之為言服也能從一而終則吉矣劉子政作列女傳意在斯乎柳郡閨行修謹代有女宗至我

朝百餘年來清操苦節卓卓可紀者有司歲以狀聞既已樹表建坊榮閭里而光泉壤矣然窮簷委巷中詎無茹荼集蓼之死靡他為當事褒嘉所未及者乎倘聽其湮沒而不彰亦採風者之責也今詳

柳州府志

卷之二十七

節烈

一

加訪擇凡與柏舟黃鵠異事同情者悉著於編以為女士勸云志節烈

唐

全氏柳城人父亡無嗣誓不適人竭力養母母偶出遭虎害氏痛哭逐虎奪回母骸備棺以殮停柩未葬比隣失火延燒氏屋氏抱柩不去焚死里人憫而葬其母并葬氏於側越日虎至墓前叫號躑躅脫爪牙而死人咸異之

元

龍氏柳城人寇至殺其夫將汚之氏毅然曰甘與夫同死豈肯被賊辱乎罵不絕口賊怒射之貫胸而死

明

覃氏融縣人

通志作永淳今從舊志及縣志改正

甘長壽妻善事舅

姑勤紡績年二十三家居屏去服飾終身無二志初長壽歿覃方娠生子昆昆娶數年又歿氏撫二孫成立正統間旌之

按融縣志有覃氏陳氏二人俱以夫亡守節建

柳州府志

卷之二十七

節烈

二

坊旌表覃曰卓節陳曰貞節但只舉其姓氏並未悉其誰之女誰之妻融志久已殘缺近時學士大夫亦未有為之訂正者民行之不興誰之過與

李氏馬平人簡文妾文有女曰元贅婿陶君智文為福建布政司經歷婿隨之官文與妻郝氏皆歿率二孤輔弼扶喪歸經永福深定灘遇賊君智禦之不勝墮水死氏出所有服飾啗賊且曰此外惟身一死可表但乞弗驚兩幼子足矣語畢遂投水

賊嗟惋而去氏漂附岸得不死收君智屍并載歸撫養二孤元亦願相依不他適後輔成進士弼鄉舉給事中徐文溥為作簡門雙節傳

羅氏融縣人博塘村民龍居德妻景泰三年羣盜劫掠男婦多被擄得氏驅以行氏伺間投水涯賊出之傷其目賊猶未即舍繫其頸固不肯行罵曰我必不受賊辱賊怒支解之

陳氏融縣人進士李序妻年二十七序官吏科給事卒於京氏哭絕復甦扶柩還獨守一室歷三十

年雖至親不能一見宏治十三年上其事旌表有貞節坊

謝氏羅城太學生謝榮女正德初蠻寇劫其里見氏有殊色爭輿以行欲污之罵曰我何人家女肯從爾輩耶即取刀自殺

李氏來賓人知縣就女柳州衛都指揮孫震長子傑妻也于歸一載而傑亡氏年十九勵志守貞治家嚴肅始卒人無間言以壽終正德六年詔旌其

呂氏馬平人諸生劉濟仁妻年二十濟仁卒時氏方娠其長子猶在襁褓中家甚貧里貴有欲娶者兄弟更勸改適氏怒曰人各有志何用相逼以頭觸柱血流被體兄弟不敢強守節六十餘年
陸氏馬平人殷傑妻傑死氏年二十二未有子鄉人聞其賢有將委禽者父母許之氏曰父母使為殷家婦有年矣何忍奪而之他惟有自盡而已父母不敢強後以從子轍為嗣壽八十餘
王氏融縣里民何燦妻年二十七燦歿無子氏誓

柳州府志 卷之二十七

節烈

四

守節家貧力食始終如一內外無間言事舅姑以孝聞年七十五終

呂氏馬平庠生劉生知妻劉死氏撫遺腹子勵志完節年九十三卒嘉靖中賜貞節上壽坊

湯氏馬平人年十六適庠生莫弛甫二載夫亡撫遺腹子睿以明經任推官壽八十五崇正中建坊旌表

鄒氏馬平人初聘於莫未嫁夫卒親欲奪其志不從遂服莫之聘衣自縊

計氏馬平人適副使王化化先令平遠以家寄會
昌會田坑賊起化督兵剿賊大敗賊於黃沙賊懼
遣間至會昌詐謂化亡氏聞而信之即沐浴更衣
以六歲子納妾懷中遂自刎賜有坊祠

許氏馬平人王化妻之姪女適戶部主事陳元道
夫歿觸棺求死遂不食逾二日卒孫司徒上其事
賜坊祠旌獎

董氏馬平人俞璇妻年二十六守節育子暨孫壽
六十三卒有節撫兩世坊

盧氏馬平人教諭唐良傑妻文耀母也明末文耀
奉旨撫賊被執後賊破城氏罵賊投池死
王氏春姑祖姑柳城王士魁女未字因土寇作亂
同服斷腸草以死

李氏馬平人許聘朱純純病篤迎氏歸未婚而夫
亡舅姑勸其改適泣曰生死朱家婦耳及舅姑歿
哀毀不欲生父母諭之曰兒即不念予兩人忍使
爾夫絕祀耶氏即撫純之甥楊鑿為後鑿生之金
金生奕芳騰芳氏方四十時暴病且死七日復甦

曰冥王言大數雖盡因憫我以處女守節且孝謹
仁慈延壽四紀後享年八十二而終

計氏馬平人鄭良棟妻年二十六良棟卒甘貧守
節撫遺孤永祚為娶吳氏永祚卒吳亦守節值始
病割股以奉一門節孝

余氏馬平人徐勉恕妻幼失怙恃年十三歸勉恕
二十四夫歿舉子二長永泰次保泰氏竭廢女紅
仰事孀姑俯育稚子後以保泰貴受封卒時七十
有九崇正間賜有雙節坊

廖氏馬平人庠生葛若愚妻崇正末土賊破城氏
被掠投河死

一王氏馬平人孫章林妻明末夫婦俱為兵執夫被
殺氏即抱子投河死

鄔氏馬平人龍偕熊妻明末避亂雷村獐佃作叛
偕熊投潭死氏聞之亦投潭死

秦氏馬平生員秦聘瑜女年十五明末為亂兵所
擄甫登舟乘間投水死

戴氏馬平人庠生計于京妻丁亥避亂居五都鳳

山村于京被叛丁所殺氏亦持鎌刀自剄死
梁氏姊妹柳城人梁世耀女長年十九次年十七
俱未適人五都寇猝至刳二女艷其姿欲污之二
女怒罵曰賊奴暴虐鄉里乃犬豕不若也吾寧為
汝辱耶奮起觸石死賊退顏色如生世耀殮葬於
古帶坪邑人為立雙烈碑表之

龍氏融縣人吳振元妻明末潛踪寺厄巖為土弁
龍韜標龔瑞所擄氏負女至棠陰橋歎曰吾得死
所可以報吾夫矣遂抱女投水死其夫聞之不食

而死

蔡氏三妹四妹者雒容人蔡瑤女也三妹適褚本
紀夫亡歸依瑤四妹許嫁潘仁尚未行聘嘉靖中
以征田州調永順堡兵凡所經過輒恣淫虐姊妹
出走避兵望見逐以兩人不能脫相攜墜崖三妹
即死四妹昇至家踰日卒

呂氏象州呂越女適同里唐濬生一子甫襁褓濬
以病卒氏年二十有三成服循禮子尋卒氏日夕
涕泣因以喪明孀居數十年寡言笑甘貧苦不赴

親戚宴會不尚浮屠施與鄉里俱為感化知州林益表其門曰貞節

梁氏江南江寧人馬平舉人葉珽繼室性溫厚識大義珽歿氏年二十四子承曜僅七歲零丁孤苦撫之成立鄉里稱賢卒年七十有五

國朝

范氏馬平人玉珍女年十四歸龍應貴性淑慎事翁姑克盡婦道二十八夫亡子甫九歲家貧無叔伯依恃氏誓不更適辛勤紡績撫孤成立清節可

風歷三十載無物議雍正三年題旌

程氏馬平人起蛟女嫻禮教年二十適庠生青承恩十年而寡提攜兩孤復相繼而亡玃玃子立矢志栢舟事舅姑以孝聞已而舅歿經營殯葬皆如禮制姑疊遭悲慘淚盡而盲支離牀褥氏以紡紝供甘旨者二十餘年節孝兼盡

鍾氏原籍粵東適江西人何士兆流寓馬平而氏之父母亦遷於此遂為馬平人士兆死氏年二十九父母欲奪其志氏以死誓紕緘補綴自食其力

未幾父母相繼歿氏竭蹶殯葬教子嚴謹子有貴
已成人稍越禮輒懸其父像率有貴跽於下泣訓
之曰我所以不從而父於地下者以汝故也今汝
不肖我固不如死死亦無以見而父有貴號慟自
責悔乃止苦節四十餘年以疊膺大故哭泣過哀
雙目皆瞽

莫氏馬平人虞宏溫妻年十七歸虞十載而寡家
素貧又遭水患蕩析殆盡氏子身支持喪祭冠婚
無缺禮長子熹弱冠入泮次子燈學亦有成皆母

教也

徐氏馬平人貢生汝超女庠生龍聖佐妻也事舅
姑以孝聞年二十六稱夫亡人家貧養姑教子守
節三十餘年鄰里罕覩其面雍正六年題旌

劉氏馬平人原籍江西吉安隨父母來粵贅壻楊
名標亦南昌人充伍於提標康熙四十一年名標
從征八排師還死於路攜骸歸氏號慟幾絕時年
二十八冰雪自矢舅姑早歿而父母衰老無所依
竭蹶以佐菽水生二子賢剛俱以孝友稱次子剛

由軍功起家任左江鎮總兵官氏贈二品夫人咸以為守節之報云雍正六年題旌

胡氏馬平舉人翌妹年二十一歸計為繼妻越二載夫歿遺腹子元龍族人欺其幼奪之產或勸氏訴於官氏歎曰吾夫雖未成名本詩書舊族可以細故傷祖宗門面耶戒其子弗與爭元龍年十五即遊庠膺歲薦雍正六年題旌

歐氏馬平人年十八適同里葉承暘舉一子三年暘歿又遺腹子一氏備嘗辛苦教之讀書長子紉

膺柳城縣歲薦雍正六年題旌

簡氏馬平人幼許字同邑龍興霖及興霖病迎氏歸甫及門而夫歿氏即居喪守節艱苦備嘗撫繼子成立年七十卒

葉氏馬平人杜良臣妻二十二夫歿僅存一子家貧氏勤紡績以奉舅姑曲盡婦道未幾舅姑死子亦死氏矢節靡他終如其始年六十九卒

陳氏馬平人歐見龍妻于歸三載而寡遺一子氏矢志撫孤未幾子死氏茹荼終身清操自勵年六

十七終

陳氏馬平人年十八歸葉芷二十三歲芷亡誓以身殉念舅老無依代供子職矢節三十餘年言不出閫足不履庭鄉里稱之乾隆六年題旌

莫氏馬平人年十九適韋邦照五載夫卒氏甫生一男忍死撫孤冀其成立子又不祿乃以猶子鎧為嗣清操苦節歷數十年如一日

趙氏馬平人年十六適廩生王之文二十六歲夫歿無嗣母欲奪其志誓以死守稱未亡人者四十

餘年貞逾介石有栢舟之遺風焉

李氏馬平人年五歲許字提督書吏陳至言九歲母死歸陳夫嫌其命蹇棄而另娶氏回兄家朝夕紡績自贍其兄勸之改適氏泣曰吾聞女子從一而終今夫雖棄予誓不更嫁也因截髮以明志乾隆十二年柳郡饑氏年已四十三矣棲身無所貧病幾斃提督竇公嘉其節義重修營中節孝祠以居之月給衣食及去任又捐給牛三頭銀八兩交右營生息以養其餘年至今氏年六十人稱貞女

云

葉氏馬平人貢生承霑女幼字庠生梁澤川未聘
梁卒氏年十六聞訃一慟幾絕脫珥易服誓不再
字父母欲奪其志氏泣曰兒所以不從夫於地下
者為二親年老一弟尚幼耳今若此是速我死也
後父歿喪祭如禮其弟坦賴以成立入泮補餼捐
授北流縣教諭未抵任而亡弟婦脫氏亦相繼徂
謝氏遭家多故獨力支持上事髦母下撫遺孤其
孝慈貞懿之行視昔嬰兒子撒其環瑱至老不嫁

殆更有過之者乾隆二十八年題旌

鄭氏馬平人庠生瑞女年十九適廩生歐陽永祐
二十八歲夫亡恐死奉姑姑戴氏病腸癖孀愉親
滌晝夜無少懈撫孤三曰鈔曰鉞曰鏐以夫弟永
祇之歿且無出也命鉞為其嗣乾隆二十一年題
旌

王氏馬平人庠生續龍女年十八歸孝廉歐陽永
祇二十三歲夫卒誓以身殉扃戶三縊帛三絕如
鋸女屬排闥解之母氏徐泣諭勉受命以猶子鉞

為後養教如所生事姑尤謹御縞茹糲性嚴慎戚
黨不相見者數十年乾隆十七年題旌
蕭氏馬平人庠生許鍾憲妻年十六歸許事舅姑
以孝聞姑秦氏向有痼疾常卧牀褥四載不起侍
奉湯藥唯謹養生送死皆如禮二十七歲夫亡遺
孤尚在襁褓家又貧甚人有勸其改適者輒以死
誓紡績鬻子至於成立鄉里賢之乾隆二十八年
六月有司請旌

王氏馬平人中營兵陸朝玉妻生三子夫亡年二

十八矢志守節撫子成立長文秀次起雲俱入伍
雍正二年提督韓良輔給栢舟遺範額獎之
鍾氏馬平人譚奇志妻生子應舉甫週夫亡氏年
二十一守節自誓撫孤成人入伍雍正三年提督
韓良輔給冰霜比潔額獎之

楊氏馬平人中營兵李世祿妻年二十五夫亡姑
已六旬遺子二長三歲次一歲氏仰事俯育竭盡
辛勤次子文煥入伍年五十六卒

闕氏馬平人劉淇宗妻事姑以孝聞生子炳仁甫

三歲夫亡氏年二十九家貧矢志撫孤入伍年六十六卒

龍氏馬平人右營兵宋崇景妻氏年二十七夫亡子朝相僅三歲家貧苦志守節撫子入伍貞操始終如一

高氏馬平人金乃鑑妻年二十五夫亡遺孤文燦家貧氏撫之成立入伍雍正六年出師八達病故人皆憫之

費氏馬平人三陽女適同邑陳國秀年二十七夫

柳州府志

卷之二十七

節烈

十四

亡遺子勝甫六月矢志撫孤成立入伍年七十一卒提督韓公給貞操遠播額褒之

秦氏馬平人王鳳女龍登相妻年二十八夫亡子

世英五歲世爵二歲家貧以針紉育子成立世英入伍年七十一卒提督韓公給節撫雙孤額褒之

廖氏馬平人邦志女適右營兵程占元

本姓徐

年二

十九夫亡遺子文九歲家貧撫之成立年六十七卒

侯氏馬平人陳凌雲妻年二十七夫亡遺子奇畧

甫六歲孀姑李氏先以節著雍正三年提督韓公
給霜操勁節獎之氏承姑志辛勤機杼撫子入伍
年五十一卒

彭氏馬平人前營兵黃謝成妻年二十九夫亡遺
子士相僅七歲零丁孤苦氏撫之成立年五十八
卒

陳氏馬平人汪子雲妻年二十八夫亡家貧子幼
氏以紡績撫孤孔臣入伍年七十四卒

張氏馬平人黃先樑妻年二十九而寡撫孤君宣

入伍守節終身

王氏馬平人年十三適盧朝玉十有五載夫亡矢
節彌堅克盡母道子起雲入伍雍正二年提督韓
公題旌

盧氏雒容人庠生廖世豪妻年二十而寡或勸其
改適氏峻拒之曰烈女不更二夫吾生死廖家婦
耳且舅姑在堂藐孤在抱仰事俯育舍我其誰於
是守貞自誓辛勤孝養得其懽心舅姑皆享高年
及考終哀毀骨立喪葬如禮每訓子必以顯揚為

本子清驥入武闈獲雋鄉里咸稱其孝慈兼盡云
陳氏雒容人庠生沈維賢妻年二十五夫卒無子
氏慟絕復甦飲泣三年未嘗見齒撫幼姪浩滿如
自己出遂以為嗣浩為邑增生滿為府庠生宗祀
賴以不絕

秦氏雒容人陳振勳妻年二十八夫亡遺子女各
一家貧氏苦志守節以鍼紉為俯育計及子廷璋
就傅每夜督課甚力一日廷璋怠與流涕撻之并
引古聖賢義方之訓婉曲開導廷璋感動自是專

攻舉業名列膠庠家聲復振氏卒年六十有九
全氏柳城人前瓊州府經歷臯謨之女適庠生梁
夢鏊生三子而夢鏊歿氏年二十六家故貧勵志
撫孤口授學庸論孟督課甚力三子皆有成就長
汝建仲汝選俱入庠季汝迪亦敦士行汝選以明
經任泰州州判氏年以八十六卒

全氏柳城人庠生仲白之女適同邑吳思讓年二
十六夫亡兄弟宗族遠在雒容零丁孤苦矢志不
移有遺腹日夜默禱冀延宗祀越五月生子時值

亂離豪強欲奪其志氏婉謝得免撫孤九鼎迄有
成立生七孫長序韜食餽縣庠次序畧康熙丁卯
鄉薦餘俱有聲庠序氏年八十五卒九鼎年亦九
十有五以一綫之縷不絕而復繁者皆氏苦節之
所遺也

馮氏柳城人年十七歸增生全斯薦五載夫亡遺
腹始生家素貧乏氏辛勤紡績事翁姑以壽終撫
藐孤得遂長節孝兼盡卒年五十子堂悅為邑諸
生

劉氏羅城人范開明妻年二十夫病篤泣禱於神
願以身代後竟不起氏呼天搶地誓不獨生遂投
繯而死鄉里哀之乾隆十八年巡撫李公嘉其貞
烈題旌建坊

賈氏羅城人謝耀章妻庠生聖澤之後母也年十
八歸耀章為繼室逾年夫死父母欲奪其志氏守
節自誓事邁姑以孝撫幼子以慈玉質冰操終如
其始乾隆四年督學使者張公給節孝慈賢額以
褒之卒時六十有五

李氏融縣人庠生王再琦妻年十八生子慎獨逾
年夫卒氏慟絕復甦撫孤弱冠入泮娶媳陳氏未
幾子又夭遺孫世祥甫百日適丁明季流寇之亂
陳被賊擄氏又撫孫成立後世祥以明經授永福
訓導迎養任所卒年七十有五
秦氏融縣人元泰女氏因父無嗣不忍嫁泰為贅
其壻胡世昌年十九夫亡遺孤甫數月家貧親老
或諷其改適氏誓以死守撫子成立養親以孝聞
鄉里賢之

居氏融縣人曾則輿妻年二十四而寡子汝和方
在襁褓家甚貧窶隣婦有勸其改嫁者氏泣曰夫
不幸而亡今有子在則夫為不死矣遂紡績撫孤
迄於成立後子婦皆賢諸孫繞膝人以為苦節之
報云

王氏融縣人適雷世瞞生子惠靈甫六月夫卒氏
年二十四矢志撫孤訓以敦行力學後補博士弟
子員有聲庠序雍正三年聞於官

羅氏融縣人王人英妻年二十九而寡家貧食力

鞠育遺孤以延宗祀始終不易其節鄉里稱之
吳氏融縣人年十五適覃一揆二十七夫亡子思
文方在襁褓氏誓以死守家貧紡績撫孤上有孀
姑黃氏髦年卧病侍奉湯藥唯謹思文克稟母教
得以成立乾隆元年題旌

胡氏融縣人廩生王伸妻伸嘗病痔卧床一載氏
衣不解帶親奉湯藥無怨言年二十五夫竟以病
卒蓋棺時目猶視氏哭而撫之曰夫死不瞑目殆
以宗祀無主故也遂立猶子延琳為嗣目乃瞑氏

撫繼子如已出延琳七歲使就外傳每夜篝燈課
讀必訓以親仁遠惡勵志自愛及長娶婦恩誼兼
至後延琳為人醇謹食餼應貢旋舉鄉飲皆母教
也乾隆四年題旌

張氏融縣人年十九適庠生王庚二十五而寡事
舅姑以孝聞撫子履端克承家業紳士嘉之乾隆
五年督學使者張公給以儒門節孝額

李氏融縣人龍為燦妻年二十生子始孩夫歿氏
撫孤德澤恩勤備至訓以力學既長為邑諸生乾

隆六年督學使者張公旌其門曰寒松勁節未幾子又亡獨存遺孫際明相依為命際明於二十一年人庠兩世單傳克紹先業皆氏苦節所致也巫氏融縣人藍友彩妻年二十夫夭無嗣氏誓以死守辛勤食力終始不渝乾隆八年督學使者沈公聞而旌之曰苦節幽芳卒年八十有五

趙氏融縣人曾習孔妻年二十五夫歿子良士四歲女二歲舅姑早卒家業蕭然氏紡績撫孤教以力學良士奮志攻書遂入邑庠乾隆九年督學使

者沈公旌其門曰筠節松心

曹氏融縣人廩生王儼妻年十九生子尊賢歲未週而天卒氏欲身殉娣姒以撫孤勸慰之乃恩勤嚮子力持家政清操苦節歷五十餘年如一日孫時中為邑庠生

韋氏融縣人楊冀高妻年二十七而寡子興賢六歲女亦尚幼氏辛勤操作以養以教婚嫁皆能如禮未十年子女及婦相繼歿遺孫曠普始七齡氏念兩世僅留一脉劬勞鞠育保護彌周乃得成立

乾隆二十一年聞於官氏年已八十矣縣尹給以額曰松筠勁節

丁氏懷遠人曹應魁妻應魁死氏年十六堅志守貞撫其子維崙入泮為明經孝事舅姑治家勤儉子孫蕃盛人以為節義之報云

張氏懷遠人吳起龍妻屢遭歲荒翁與夫相繼歿姑老且病不離牀褥氏侍湯藥維謹家極貧常忍饑力作以供養鄰人不戒火延氏室氏棄其幼子冒烟負姑出須臾子亦至共慶更生姑年九十有

八氏亦年近七十及姑死貧無以葬氏哭之哀鄉鄰購之乃克葬雍正三年合邑士民以孝請旌建坊

吳氏象州人歐耀臣妻年二十七夫以疾卒氏守節完貞教子砥行克守先業乾隆二年題旌

王氏象州人孟名世妻年二十二夫歿遺孤尚幼氏痛失所天恩勤嚮子勉以守成家聲復振乾隆三年題旌

唐氏象州人世貞長女年十九適江演潮十載無

嗣勸夫置妾不允氏遂脫簪珥遊得韋氏女及歸待以恩禮舉一子方週歲演潮卒越二年妾亦卒氏撫其子尚松如自已出丸熊截髮艱苦備嘗卒以有成乾隆七年署牧張公表其閭曰惠嗣存孝年八十四終

李氏來賓人謝天靈妻事繼姑凌氏以孝聞年二十六而夫卒欲以身殉繼姑勸止之越三月遺腹子賢生氏家故貧乏腐豆為業以養姑畜子後姑歿治喪皆如禮得年五十有一邑人藍揖青為之

傳

吳氏來賓人世臣女年十八歸曾之元二十五夫歿無所出父母舅姑欲奪其志氏以死誓朝夕紡績侍養唯謹後舅姑卒喪葬皆循禮法邑人賢之林友桂有傳

梁氏來賓人惠之女年十六適范必友二十二而夫亡舅姑已老遺二子俱幼氏矢志守節仰事俯育備極艱辛舅姑以壽終喪葬如禮厥後嗣人克自樹立鄉里至今稱道不衰

廖氏來賓人自恭女年十四歸劉泗淳性柔順事舅姑咸得歡心二十六而寡遺一子以祿甫周歲氏恩勤撫育稍長訓飭極嚴克承家業卒年六十有七

陳氏來賓人年十五歸湯學仙未幾夫歿兩子俱幼家奇貧氏青年矢節百折不回課子嚴正卒有成立孫懷仁入邑庠

李氏來賓人錦斗女性端謹不苟言笑年二十一歸方中式越九年夫卒遺孤新邦氏冰操自勵辛

勤教養家聲不替孫大成為邑庠生

曾氏來賓人龍登雲妻夫歿時遺孤有三長思見十歲次思明七歲幼思飛甫生舅姑俱邁復鮮伯叔氏年三十誓無他志勤儉持家義方訓子長幼入庠次列國學人稱賢母云

韋氏來賓人土舍叅將石邦賢妾邦賢初艱子多蓄姬妾最後納氏生二字而邦賢卒氏年二十三兩子皆在襁褓中氏矢志撫孤稱未亡人者六十餘年其孫之琮為邑諸生

毛氏貴縣人適來賓韋應坤年二十而寡子文全
方幼族人將不利於孤氏曰若輩利吾所有耳悉
委之襁負其子走依外氏其子長為聘武宣廖氏
遂遷居廖坊藉媼黨以輔翼之其遠害存嗣計慮
深長如此卒年八十有七

吳氏遷江人聖瑞女來賓國學生黃錫爵之妻也
錫爵病氏延醫審劑必謹既卒痛不欲生顧兩子
尚幼乃毀容忍死以撫孤守貞四十年如一日長
之鏗舉明經次之銘餼於庠

覃氏來賓人韋鎮國妻夫歿時年二十三遺子必
強生甫期苦志撫孤既長娶婦有孫六人而必強
尋卒氏又鞠育諸孫俾得成立鄉里稱賢

方氏來賓人年十七適蔣宗魯家貧甚無怨言事
舅姑克盡婦道三十歲夫亡有子三尚幼氏矢志
堅貞紡績撫孤至於成立後家稍裕三子又生七
孫皆業儒其曾孫聲清聲明並列膠序人以為節
孝之報云卒年八十有六

劉氏來賓人以道女庠生韋必賢妻性和順事姑

得其懽心年二十七夫亡遺孤一氏苦志鬻之克承先業

莫氏來賓人幼失怙恃依族人撫養年十九為林國華繼妻二十四夫亡子又夭氏誓不改適國華前妻有子名友桂者能敦子職贍以終身今齒已踰半百矣松栢之操老而愈烈

鄒氏來賓人元良女年十七歸庠生余士珠伉儷甚篤二十四夫以疾卒氏慟不欲生因遺子謙甫二歲忍死存孤以養以教乃克成立後謙舉三孫

柳州府志 卷之二十七 節烈

三五

並訓之就學家聲復振苦節貞操歷三十年如一日

馬平縣志明末有節婦王氏係庠生范繼式妻繼式病篤割股以療卒不起二子俱幼氏矢志守節辛勤鞠育至於成立次子應芳領鄉薦舊志省志皆未載今特附入